

लाहना

व्यवसायिक पत्रकारिता, थौया आवश्यकता

LAHANA WEEKLY

वा:पौ

सा:गु भिंगु मरिचरिया निति
लुमंका दिसँ ।

लक्ष्मण रामाल 'चिलमि'
प्रोप्राइटर

लाखा छँ

LAKHA CHHEN



सोह्रखुटे, वडा नं. १६, येँ, फोन नं.: ८३६०७५८

थुकि दुने



स्वदेशी व विदेशी शत्रुतसें देया हीत
याइमखु
डि आर खड्गी - २



गुरु पुन्हि
जीतेन्द्र विलास बज्राचार्य - ३

साहित्य
सौरव शाक्य - ६



नेपा:या न्ह्यस्वह संघनायक भद्रेय
डा. भिक्षु ज्ञानपूर्णिक महास्थविरया अन्त्येष्टी
पेज ५

भीत फास्ट ट्रयाक महत्वपूर्ण कि वा पीगु बुँ स्थानीय विस्थापित याना: गज्या:गु विकास जुइत्यंगु ख: ?



ख्वनाय थ:गु हे बुँइ सिनाज्याय प्रहरी दमन, प्रहरी दमनया विरोधय बहनी ख्वनाय पिका:गु मशाल जुलुस देय चाहिलाच्वंगु (जवय) ।

लहना संवाददाता

असार १५ । थ्व दिं किसानतय निति छू विशेष दिं । नेवा: समाजय विशेष रुपं कृषि पेशाय आवद्ध ज्यागु समुदाय निति असार १५ या विशेष महत्व लिसें कायगु या: । थुगु दिनय सकल बुँज्यामितय थ:थ:गु बुँइ वा पीगु याइगु ख: । ख्वनाय नं सकलसिया थ:थ:गु बुँइ वा पित । थनया लकस धा:सा बिस्कं हे । वा वयाच्वंगु दु, उकिया हे दथुइ सकलें जाना: वा पिनाच्वंगु

दु । ख्वनामि जक मखु, येँ, यल अले ख्वपं तक नं वा पीत अन मुंवयाच्वंगु दु । छपुच: धिमेय भुस्या: थाना: माहौलयात भन क्वाकाच्वंगु दु ।

तर थन किसानतय थ:गु हे बुँइ नं याउंक वा पी मखं । प्रहरी वया: अन हस्तक्षेप या:वल । बुँ पालाच्वंगु ट्रयाक्टर नं प्रहरी लाका का: वल । छभा: अन प्रहरी व किसानतय दथुइ भडप हे जुल । थ्व हे भडपया दथुइ किसानतयसं बछित धइथे बुँइ वा पी सिधयकल । त्यं दुगु बुँइ २०

गते वा पीगु क्व:जित । व हे कथं २० गते हाकनं सकलें मुना: वा पीगु ज्या न्हायात । उबले नं प्रहरी वल । किसानतयसं थ:गु बुँइ वा पी दयमा:गु स: थ्वयकल । प्रहरी पनेत स्वल । जुजुं हाकनं उकुन्हु नं अन भडपया हे स्थिती जुल । उबले ला भन प्रहरी दर्जन मल्याक सेल अश्रुयौस नं कयकल । थ:गु बुँइ वा पीकेमब्युगु आक्रोशं जायाच्वीपं किसानपाखे नं लिस: बीगु ज्या जुल । लिच्व: प्रहरीपाखे व किसानतयपाखे नं छुं भचा घा:पा: जुल । त्यं ७ पेजय

धात्थें बंगद्य:या
जात्रा यायत्यंगु हे
खत ला ?



नेपा:या दक्कले ता:हाक:गु जात्रा कथं काइ बुंगद्य:या जात्रा । भनी सकल नेवा:तयगु अले नेपा:मिपनिगु हे सान जुयाच्वंगु थुगु जात्रा । थुगुसी महामारीया हुनिं जात्रा मजुइगु लगभग निश्चित थें जुइधुंकूगुलिइ असार १० गते रथ दयकेज्या न्हाया:बलय जात्रा जुइगु चर्चा ला न्हाया:गु हे जुल । उकिया नापं थज्या:गु महामारीया इलय जात्रा संक्रमण न्यकेत भन तिव: जूवनीगु ला मखुला धइगु चिन्ता नं अप्व:गु ख: ।

२४ गतेया दुने रथ दयके सिधय केगु खँ ला थ्वया न्ह्य: हे वयधुंकूगु ख: । उकिया नापं आ: २४ गते हे द्य:यात रथय बिज्याकेगु साइत पिहां वयधुंकूगु दु । २४ गते ४ घाड ४२ पलानिसं ५ घाड २० पला

त्यं ७ पेजय

अलविदा ! अभिधम्मया अन्तर्राष्ट्रिय व्याख्याता

भिक्षु ज्ञाणपूर्णिकया शंखमुलय् अन्त्येष्टी

येँ । महुम संघनायक भिक्षु ज्ञाणपूर्णिक महास्थविरया वंगु आइतवा: शंखमुलय् अन्त्येष्टि यात ।

भिक्षु, भिक्षुणी, थीथी बौद्ध संघसंस्थाया प्रतिनिधिपिं लिसें सलंस: उपासक उपासिकापिनिगु दथुइ महुम भिक्षुया दाहसंस्कार या:गु ख: । बौद्ध परम्पराकथं मरणानुस्मृति (मृत्यु स्मरण बोध याकीगु श्लोक) पाठ यायधुंका: स्थविरवाद बुद्धधर्मया परम्पराकथं दाहसंस्कार या:गु ख: ।

कार्यवाहक संघनायक भिक्षु बोधिसेन महास्थविर, अखिल नेपाल भिक्षु महासंघया नाय: भिक्षु मैत्री महास्थविर व भिक्षुणीपाखे जाणवती गुरुमां नं महुम भिक्षुयात मि तयाबिज्या:गु ख: । व लिपा हे सशस्त्र प्रहरीया छू टुकडीं सलामी अर्पण या:गु ख: । थ्व स्वयां न्ह्य: संघीय सांसद कृष्णगोपाल श्रेष्ठ सरकारया प्रतिनिधिकथं भिक्षुया सीमहय राष्ट्रिय ध्वाय् फायकादीगु ख: ।



संघीय सांसद कृष्णगोपाल श्रेष्ठ सरकारया प्रतिनिधिकथं महुम संघनायक भिक्षु ज्ञाणपूर्णिक महास्थविर भिक्षुया सीमहय राष्ट्रिय ध्वाय् फायकादीगु ख: ।

थ्व स्वयां न्ह्य: येँया न्हू बानेश्वरय च्वंगु मीनभवनय च्वंगु विश्व शान्ति विहारपाखे शवयात्रा न्हायाकूगु ख: । उगु शवयात्राय स्वनिग:लिसें काभ्रे, सिन्धुपाल्चोक, नुवाकोट, धादिङ, पाल्पा, बुटवललिसें या थासय च्वीपं बौद्ध अनुयायीपिंसं ब्वति कयादीगु ख: । वय क:यात अन्तिम श्रद्धाञ्जली देछायत परराष्ट्र मन्त्री प्रदीप ज्ञवाली, संस्कृति, पर्यटन तथा नागरिक उड्डयन मन्त्री योगेश भट्टराई, बौद्ध दर्शन प्रबर्द्धन समितिया पदाधिकारी, संघ, प्रदेश व स्थानीय तगिया जनप्रतिनिधिपिं विहारय थ्यंकादीगु ख: ।

भिक्षु महुगुलिं अप्रणीय क्षति

भिक्षु ज्ञाणपूर्णिक महास्थविर महुगुलिं बुद्धधर्म व नेपा:या छमह बौद्धिक व आध्यात्मिक ब्यक्तित्व तंकेमा:गु धयादिसें राष्ट्रपति विद्यादेवी भण्डारी, प्रधानमन्त्री केपी शर्मा ओलीं शोक प्वंकादिल ।

त्यं ७ पेजय

सम्पादकीय



स्वनिगलय् न्यना वनाच्वंगु कोरोना व भी

कोरोना भाइरस (कोभिड-१९)पाखें संक्रमित जूपनिगु ल्याः न्हियांहिन्थं अप्वया वनाच्वंगु दु । थौंकन्ह्यु न्हिं ३०म्हया ल्याखं थुगु भाइरसपाखें संक्रमित जुयाच्वंगु स्वास्थ्य तथा जनसंख्या मन्त्रालयपाखें न्हियांहिन्थं सार्वजनिक प्रतिवेदनपाखें सीदु । न्हापा तराई लागाय् विशेष यानाः भारतय् लजगाः यानाच्वीपिं मनुत नेपाः लिहां वइपिके जक खनेदयाच्वंगु खःसा व धुंकाः अन्तर्राष्ट्रिय उडानपाखें स्वंगुगु देशं वःपिं मनुतयुके कोरोना भाइरस खनेदुगु खः । थजाःगु इलय् कोरोनायात कयाः सकलें सतर्क जुयाच्वंगु खःसा आःया अवस्थाय् स्वयंगु खःसा कोरोना समुदायस्तरय् हे न्यनावनाच्वंगु खँ पिहांवःगु दु ।

विशेष यानाः यँया धलय् च्वंगु लखय् तर्क कोरोना भाइरस लुयावःगुलिं थुकिं कोरोना भाइरस समुदायस्तरय् न्यनावनाच्वंगु धइगु खँयात अफ् तिबः बीगु ज्या जुगु दु । अथेखःसां नं स्वास्थ्य तथा जनसंख्या मन्त्रालयं पिथंगु वक्तव्यय् धलय् कोरोना भाइरस लुइवं समुदायस्तरय् न्यनावनाच्वंगु खँयात पुष्टि याइमखु धकाः प्रष्ट याःगु दु । तर स्वनिगलय् कोरोना संक्रमित जूपनिगु ल्याः न्हियांहिन्थं अप्वया वनाच्वंगु तथ्यांकं थ्व समुदायस्तरय् न्यनावनेधुंकूगु खँय् धाःसा निगू मत मदु ।

कोरोना भाइरस स्वनिगलय् न्यना मवनेमाः धकाः सरकारं यक्व हे कुतः यानाच्वनागु धकाः बक्तव्य अले नीति दय्केगु ज्या जूसां नं उक्रियात कार्यान्वयन याय्गु ज्या धाःसा खास हे पलाः छ्यगु खनेमदु । अफ् धाय्गु खःसा आधिकारीक पास ज्वनावःपिं मनुतयुके हे कोरोना भाइरस संक्रमण खनेदुगुलिं नं थुक्रियात कयाः च्यूताः ब्वलंगु खः । अथे हे, लिपांगु इलय् स्वास्थ्य मन्त्रालयपाखें हे स्वनिगलय् वइपिं मनुतयुत पिसिआर टेष्ट याय्माःगु, होम-क्वारेन्टाइनय् च्वनाः संक्रमणया लक्षण खनेदुसा जक पिसिआर टेष्ट याय्माःगु व परीक्षणया खँ न्हयथना स्वनिगलं पिनेच्वीपिन्त छँय् दुतमकाय्गु ज्या याय्मते धकाः इनाप याःगुलिं नं स्वनिगलय् अफ् संक्रमण न्यनावनेत तिबः जुयाच्वंगु जुल ।

थुक्रियात ध्यानय् तय्गु खःसा कि पिसिआर टेष्ट याय्गु ज्वलं हे मदुगु खः वा टेष्ट याय्गु आवश्यक मताय्कूगु खः । खय्त ला सरकारं न्हिं भिद्वःमह मनुतयुके पिसिआर टेष्ट याय्गु लक्ष तयातःगु खःसां थ्यंमथ्यं बच्चि जक पूर्वकेफयाच्वंगु अवस्थाय् सरकार थः हे असफल जुइधुंकूगु दु । अथेखःसां जनस्वास्थ्ययात ध्यानय् तयाः सरकारं थःगु लक्ष पूर्वकेगु नितीं मदिकक कुतः याइगु आशा काय् । तर थौंकन्ह्यु स्वनिगलय् न्यनावनाच्वंगु कोरोना भाइरसयात कयाः विशेष यानाः भी जनता हे सचेत जुइमाःगु खनेदु । स्वास्थ्य मन्त्रालयपाखें कोरोना भाइरसपाखें बचय् जुइगु नितीं गुगु खँ धयाच्वंगु दु, उक्रियात हे बांलाकक नालाकाल धाःसां नं भी कोरोना भाइरस संक्रमणपाखें तापाय्फु । कोरोना भाइरस सरकार थः हे नियन्त्रण याय्त ताःमलाःगु इलय् सरकारयात ब्वःबीगु स्वयां बचय् जुइगु नितीं थीथी उपायत नालाकाल धाःसा समुदायस्तरय् न्यनावनीगु खँयु छुं भचा म्हो जुइफु ।

स्वदेशी व विदेशी शत्रुतसें देया हीत याइमखु

न्हयागुं देशया स्वेच्छाचारी शासक बिरुद्धया आन्दोलनय् स्वदेशी जनतां जक मख, विदेशी शक्तितसें नं प्रत्यक्ष वा अप्रत्यक्षकथं ग्वाहालि यानाच्वनी । भीगु देशया स्वेच्छाचारी राणा शासक व राजतन्त्रया बिरुद्धया आन्दोलनय् नं भारतं ग्वाहालि याःगु अवश्य खः, तर ग्वाहालि यात धाय्वं वयात न्ह्याबलें गुण पुलेमाः धयागु खं जुइमखु ।



डि आर श्रेष्ठ

सन् १९४७ न्हयःतक अंग्रेजी साम्राज्यं सारा भारतवर्षया राज्य कब्जा यानाः शासन यानाच्वंगु खः । अंग्रेजी साम्राज्यं अति शोषण दमन यानाच्वंगु हुनिं फुक्क भारत राज्यया जनतात छप्यं जुयाः अंग्रेजी शासकया बिरुद्धय् संघर्ष तच्चयकल ।

सन् १९४७ सालपाखे भारतया फुक्क राज्यपाखें अंग्रेजीत थःगु देसय् लिहां वनेत बाध्य जुल । अंग्रेजीत भारत त्वःताः वने न्हयः भारतय् जातजाति, हिन्दु-मुस्लिमया नाश जक मख, भारत राज्यया अनेक अल्पसंख्यक जाति व जनजातिया विषयतक नं गोलमाल याकेगु हिसाब षडयन्त्र यानाः जक लिहांवन । अफ् ला भारतया हिन्दु व मुस्मांया दथुइ जक मख, पूर्वी पाकिस्तान व पश्चिमी पाकिस्तानया दथुइ नं कलह याकेगु ज्या यानावन । पूर्वी पाकिस्तान धइगु थौंकन्ह्यु या बंगलादेश खः । पश्चिम पाकिस्तान पूर्वी पाकिस्तानयात शासन यानाच्वंगु नं खः । पश्चिमी पाकिस्तान पूर्वी पाकिस्तानया प्राकृतिक श्रोत सम्पति लुटय् यानाच्वन धकाः पूर्वी पाकिस्तान अलग जुइगु नितीं संघर्ष तच्चयकल । संघर्षया नेतृत्व यानाच्वंमह शेख मुसिबर रहमान खः । शेख मुसिबर रहमानयात स्वदेशी जनतां जक मख, विदेशी शक्ति भारतं नं माक्व ग्वाहालि व समर्थन यानाच्वन ।

आखिरय् सन् १९७१पाखे भारतया सेना पूर्वी पाकिस्तानय् क्वकयाः पश्चिमी पाकिस्तानपाखें अलग याय्त ताःलात । पूर्वी पाकिस्तानयात बंगलादेश धकाः नां छुनाः न्ह्यु देय् पलिस्था जुलसा न्हापांमह राष्ट्रपति शेख मुसिबर रहमान जुल । देश स्वतन्त्र जुइधुंकाः बंगलादेशया जनतां आशा व भलसा याःगु नं खः ।

शेख मुसिबर देय्यात पाय्छिकथं न्हयाकाः विकास याइधकाः, तर दुर्भाग्य शेख मुसिबर देश विकास याय्गु मस्वःसे खालि भारतया ईशाराय् जक प्याखं हुलाः देशय् अनेक राजनीतिक कासा जक म्हितेगु ज्या यानाच्वन । शेख मुसिबर भारतया ईशाराय् जक प्याखं हुलाच्वंगुलिं यानाः जनता निराश जक मख, वाक्कादिकक जुल । जब शेख मुसिबर रहमान फरक्क बाँधया नाम चर्चित जलश्रोत सम्बन्धि सम्झौता भारतलिसे यात, फुक्क देशभक्त जनतां शेख मुसिबर खनाः आक्रोसित जुयाः आन्दोलन याय्त बाध्य जुल । आक्रोसित जनताया माग खः, राष्ट्रघाती जलश्रोत सन्धी खारेजी याय्माल । आन्दोलन चर्के जुल । आखिरय् छुं महिना लिपा सैनिकतसें

विद्रोह यानाः शेख मुसिबरयात जक मख, वया छँजःपिन्त तर्क स्यानाबिल ।

थौंकन्ह्यु बंगलादेशया प्रधानमन्त्री जुयाच्वंमह शेख हसिना वहे शेख मुसिबरया म्हाय्यु खः । व इलय् शेख हसिना बेलायतय् आखः ब्वं वनाच्वंमह जुयाः जक वयकः म्वाय्त ताःलाःगु जुल ।

शेख हसिना थः अबु शेख मुसिबर रहमान पलिस्था यानातःगु अवामी लिग पार्टीया नेतृत्वपाखें थौं नं देसया प्रधानमन्त्री जुयाच्वंगु दु । शेख हसिना निर्भिक, विवेकी सोचविचाः दुम्ह नेतृ खः



शेख हसिना चीनलिसे आबोर (वन बेल्ट वन रोड)या सम्झौताय् ल्हाःचिं तय्गु ज्या जुल । ओबोर सम्झौता याय् न्हयः भारतं शेख हसिनायात अति दबाव बीगु ज्या यात, ओबोरया सम्झौता याय्मते धकाः । तर शेख हसिना भारतया दबावयात वास्ता मयासे सम्झौता यानातुं त्वःतल । व इलनिसें शेख हसिना जनताया दथुइ भन् लोकंहवात । बंगलादेशया नेतृ नं क्यनाबिल, विदेशीया ईशाराय् प्याखं हुले मज्यु धइगु खँ ।

धकाः ब्यवहारं क्यनाच्वंगु दु । अथे धयागु वयकः विदेशी शक्तिया न्हयःने क्वछुनाः देश बर्बाद याय्गु ज्या मयाः ।

शेख मुसिबरया इलय् भारतया दबावय् गुलि नं सम्झौता यात अर्थात राष्ट्रघाती सम्झौता यानाः गुलि नं बदनाम जुल, थौं वयाः शेख हसिना राष्ट्रिय महत्वया विषयस पाय्छिकथं निर्णय यानाः देशयात प्रगति यानाच्वंगुलिं हाकनं जनतां शेखया परिवारयात वाहवाह याय्गु शुरु जुल । छायाःसा शेख हसिना कृषि, उद्योग व मेमेगु क्षेत्रय् प्रगति यानाः देशया अर्थतन्त्रयात मजबूत यानाच्वंगु दु ।

अफ् शेख हसिना चीनलिसे आबोर (वन बेल्ट वन रोड)या सम्झौताय् ल्हाःचिं तय्गु ज्या जुल । ओबोर सम्झौता याय् न्हयः भारतं शेख हसिनायात अति दबाव बीगु ज्या यात, ओबोरया सम्झौता याय्

मते धकाः । तर शेख हसिना भारतया दबावयात वास्ता मयासे सम्झौता यानातुं त्वःतल । शेख हसिना भारतयात बिल, भारत जक मित्रराष्ट्र जुइ फइमखु धकाः भारतया दबावयात अस्वीकार यत । व इलनिसें शेख हसिना जनताया दथुइ भन् लोकंहवात । बंगलादेशया नेतृ नं क्यनाबिल, विदेशीया ईशाराय् प्याखं हुले मज्यु धइगु खँ ।

जब नेतात विदेशी ईशाराय् प्याखं हुलेगु ज्या याइ, व देश बर्बाद जुजं वनी । सच्चा देशप्रेमी नेतात देशया अखण्डता रक्षा व देशया हितया नितीं अडान काय्गु ज्या यानाच्वनी । दसूया नितीं ९०या दशकय् थ्व इलय् सोभियत संघ कुचाकुचा जुगु इलय् नेता बोरिस यलतसिन रुसया सत्ताय् वन । यलतसिन रुसयात पाय्छिगु लँपुइ यंकेत ताःमलात । रुसया अर्थतन्त्र डावाँडोल जुल । व इलय् यलतसिन पश्चिमी राष्ट्र व अमेरिका आर्थिक ग्वाहालि याइ धकाः आशा जक मख, विश्वास तर्क याःगु खः । तर पश्चिमी राष्ट्र व अमेरिका आर्थिक ग्वाहालि याय्त तयार ला जुल । तर इमिगु शर्त खनाः यलतसिन थारा न्हल ।

अथे धयागु देश घातक शर्त न्हयब्वःगु हुनिं यलतसिन देशघाती शर्त याय्त अस्वीकार यात । थ्वया अर्थ छु धाःसा अमेरिका व पश्चिमी राष्ट्र यलतसिनयात सत्ताय् छवय्गु नितीं ग्वाहालि याय्गु धइगु देशघाती सम्झौता याय्गु मखु धकाः यलतसिन अडान कयाः क्यनाबिल ।

न्हयागुं देशया स्वेच्छाचारी शासक बिरुद्धया आन्दोलनय् स्वदेशी जनतां जक मख, विदेशी शक्तितसें नं प्रत्यक्ष वा अप्रत्यक्षकथं ग्वाहालि यानाच्वनी । भीगु देशया स्वेच्छाचारी राणा शासक व राजतन्त्रया बिरुद्धया आन्दोलनय् नं भारतं ग्वाहालि याःगु अवश्य खः, तर ग्वाहालि यात धाय्वं वयात न्ह्याबलें गुण पुलेमाः धयागु खँ जुइमखु । भारतं ग्वाहालि याःगु बापतय् जनतां भारतयात सुभाय् बीगु नं यानाच्वंगु दु । तर भारतया आशय धाःसा ग्वाहालि याःगु बापतय् नेपाःया भूमि, जलश्रोत व मेमेगु प्राकृतिक श्रोत सम्पत्ति कब्जा याना वनेगु उद्देश्य खः । थुक्रिया नितीं भारतयात बीगु पाय् छि मजू । भारत स्वयां नं थनया पार्टीया दलाली नेतात भन् हे खतरनाक जुयाच्वंगु दु । छायाःसा दलाली नेतातसें दुनेदुनें समझदारी मयाःगु खःसा भारतं नेपाःया भूमि लाका काय्गु, जलश्रोतया अधिकार याउँक काय्फइगु खँ मखु । छगू नेवाः धापू दु, गुग्वारा चाकु नःसां नं चाकुया सवाः मस्यु । थ्व उखान नेपाःया जनतातय्त मिलय् जुयाच्वंगु खनेदु । छायाःसा आःनं नेतातसें व मयाः, थ्व मयाः धकाः गफ यानाच्वनी । नेतातसें जनतायात छुं नं भिंगु ज्या याइमखु । भिपिं नेतात जूसा जक देश व जनताया नितीं चमत्कारीढंगं विकास यानाक्यनी । दलाली नेतातसें देश व जनतायात भन्भन् बर्बाद जक यानाच्वनी । थ्व हे हुनिं दलाली नेतातय्त माइनस याय्गु नितीं फुक्क जानाः संघर्ष याय्माःगु दु ।

त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयादीफइ । छिकपिसं छ्वयादीगुयात थुगु वाःपतिइ थाय् बियाच्वना । पिदंगु च्वसुयात उचित पारिश्रमिक बीगु नं सुचं बियाच्वना ।

लहना वाःपौ
भोछें, यँ

lahana.news@gmail.com

गुरु पुन्हि

नारांघः योग निन्द्राय मग्न जुयाच्वंगु प्यलाया ई अर्थात चतुर्मासया इलय् यक्व हे मुख्यगु नखःचखः लानाच्वंगु दु । थजाःगु नखःचखः व पर्वय् नारांघः व मेपिं छःत धाःसा थपाय् हाकःगु ईतक न्हयः वय्काच्वनीगु खःसा थव विश्वया सृष्टिया नियन्त्रण, पालनपोषण व सुन्तलित व्यवस्था सुनां याइगु जुइ ?



जीतेन्द्र विलास बज्राचार्य

दिल्लाथ्व पुन्हि, आषाढ शुक्ल पुन्हि, गुरुपुन्हि । नेवाःतय् थीथी नखःचखः यक्व दु । नखःचखः व पर्व दुने मलाःसां विस्कं हे महत्वं जाःगु दिं खः, “गुरु पुन्हि” । थव दिं सिथि नखः व गथामुगः चःह्येया दथुइ लाःगु दिं खः । थव दथुइ छुं नखःचखः दइमखु । सिनाज्याय् हे व्यस्त जुयाच्वनी । व हे हुनिं यानाः जक तःधंगु नखःचखःया रुपं कया मतःसां थव दिनसं गुर्यात पुज्याइ । संसार खंका ब्यूम्ह मां अबु । अले थव संसारय् सुयोग्य जुयाः म्वाय्त् ज्ञानगुणया खँ स्यना बीम्ह गुरु खः । नेवाःतय्गु संस्कारय् थीथी छः, व्यक्ति, पशुपुन्हि, वस्तुतकं पुज्याय्गु चलन दु । थीथी दिनसं छःयागु पुजा, मां अबुया ख्वाः स्वयम्, किजापुजा, स्वन्तिबलय् क्वः, खिचा, सा आदिया पुजा, म्हपुजा, म्हपुजा नापनापं तुफि, हासा इत्यादि पुजा याइ । थव दिनसं फलफुल, मरिचरी तथाः

गुर्या थाय् वनाः गुर्यात श्रद्धा तथाः पुजा याइ । शिक्षा आर्जन यानाच्वंगु इलय् सुनानं शिक्षा बिचाच्वन, वहे गुर्यात पुजा याय्गु चलन दु । तर पुलापिं गुरुपितं लुमकेगु व पुजा याः वनेगु नं चलन दु ।

सुयोग्य गुर्या सुयोग्य चेला जुइगुलिं गुरु ल्यय्बलय् थःगु संस्कार, समाजनाप मिलय् जुइफय्क ज्ञानगुणया खँ स्यनेफूम्ह हे ल्यय् माः । धापु दु, गृहस्थीया गुरु गृहस्थी हे जुइमाः, साधुया गुरु साधु हे जुइमाः । जीवन हनेत चिचीधंगुनिसें कयाः ततःधंगु खँ स्यनाबीम्ह गुर्यागु नं महत्व थाय्, ई स्वयाः उलिं हे महत्व दयाच्वनी । लखय् दुनेत्यंबलय् लाल काय्गु स्यंम्ह गुर्यागु महत्व यक्व दइ ।

धार्मिककथं गुर्यात तसकं महत्व बियातःगु दु । बौद्ध वज्रयानय् गुरु बुद्ध गुरु धर्म गुरु संघ तथै वचः गुरु वज्र धरस्चैव तस्मै श्रीगुरुभ्य नमो । धयातःगु दुसा वैदिक धर्मय् नं गुरु ब्रम्ह गुरु विष्णु गुरुदेव महेश्वर गुरु साक्षात परब्रम्ह तस्मै श्री गुरुदेव नमो । धयातःगु दु । थव वाक्य नं गुर्यागु महत्व यक्व हे दु धयागु खनेदु ।

दकलय् न्हापां देव गुरु बृहस्पति खः, अले दैत्य गुरु शुक्राचार्य । शुक्राचार्य थशिष्य बलिराजा वामन अवतार कयाः वःम्ह विष्णु छल यानाः स्वपलाः फ्वंबलय् कमण्डलु लः हाय्काः संकल्प याय् त्यंबलय् कमण्डलुया अखुंचाय् वनाः लः बन्द यानाबी, धरतिबलय् लः प्वाः दिनाबी । थव खँ वामन अवतार



जुयावःम्ह विष्णुं सीकाः कुसं प्वाः चाय् कूबलय् शुक्राचार्यया मिखा तज्याइ । जल धारा हाय्काः संकल्प यानाः धरतीइ छपलाः, आकाशय् छपलाः व बलिराजायागु छ्यनय् पलाः तथाः पातालय् धसय् यानाबी । गुरु शिष्ययात बचय् याय्त् मिखा हे तज्याकेमाःगु छू दसू खः । अथे हे गुर्यागु आज्ञा मकासे ज्ञान काःगुलिं गुरु द्रोणाचार्य एकलव्यया निपा ल्हाया बुरापतिं गुरु दीक्षणा फ्वनीबलय् गुर्या आज्ञा मानय् यानाः बुरापतिं ध्यना बीगु । अले गुरु द्रोणाचार्यया शिष्यापिं भीमसेन, दुर्योधन शिक्षा कयाः लिहां वयाच्वंबलय् दुर्योधनं भीपिं मध्ये दकलय् बल दुम्ह सु जुइ धकाः न्यनेत हाकनं गुर्या थाय् वनाः न्यं वनेनु धाःबलय् भीमसेनं मानय् मजूसे मवंगु । दुर्योधननाप मेपिं प्यम्ह हाकनं गुर्या थाय् वनाः न्यं वंबलय् गुरु द्रोणाचार्य जिगु

शिक्षाय् छिमिसं शंका यात । जिं ला दक्कसित बराबर हे शिक्षा वियागु खः । छिपिं दक्क हे बराबर खः, तर नं शंका याःगुलिं थन सु मवल, वयागु ल्हातिं छिपिं सी माली धकाः धाल । महाभारतय् भीमसेनया ल्हातं सीमाल । थथे हे काशिं वःम्ह धर्मश्री मित्र ब्राह्मणं नेपालय् वयाः धर्मज्ञानया बाखं कनाच्वन । छन्हु बाखं कँकं ‘अ आ इ ई उ ऊ’या अर्थ कने मसयाच्वन । व हे ब्राह्मणया छँय् वास च्वंम्ह बुराम्हं ब्राह्मणं ‘अ आ इ ई उ ऊ’ जक छाय् ब्वनाच्वनागु धकाः न्यंबलय् ब्राह्मणं छंसी मखु थव खँ धकाः धाइ । अय् नं धया बिज्याहुं धकाः धाइबलय् ब्राह्मण धाइ, जिं बाखं कँकं ‘अ आ इ ई उ ऊ’ धाःगु अर्थ धाय् मफयाच्वन । थव हे कारणं जिं ‘अ आ इ ई उ ऊ’ ब्वनाच्वनागु खः । थव खँ न्यनाः बुराम्हेसिनं धाइ ‘अ आ इ ई उ ऊ’ अर्थ खः

थव स्वर व्यञ्जन खः । थव्या बः मकासे छुं नं खँवः धाय् फइमखु । थव खँ न्यनाः धर्मश्री मित्र ब्राह्मण साःप हे लय्तायाः गुरु भाःपिल । अले ब्राह्मणं धाल जिं गुरु दीक्षणा छु बी धाल । बुरां धाल, ‘जितः म्हजक सिकुसां गाः ।’ कन्हय् कुन्हुसं हाकनं बाखं कंवन । व बुराम्हे ब्राह्मणया न्हयःने वन । तर बुरा स्वय् हे मज्युगुलिं ब्राह्मण नं तुइमखु । बाखं कने सिधय्थुंकाः बुराया थाय् वनाः अहो ! गुरु नकातिनि वया ला, जिं ला छिपित मखन का । धयाः तुति भ्वःपुइ । मखन धाःगुलिं खनां नं मखं धाःगुलिं मिखा निगलं बुरायागु पालि कुतुं वइ । आःनं गनं पालि मिखा दत कि मन्जुश्रीया पालि धाइ । शिष्ययात बचय् याय्त् स्वःगु, गुरुआज्ञा पालन याःगु, गुर्यागु शिक्षाय् शंका याःगु गुर्यात अपमान यानाः मखुगु खँल्हाःगु, व थव्या फलयागु बाखंत यक्व दु ।

थव गुरु पुन्हियात व्यास बूगु दिं अर्थात व्यास दिवस नं धाइ । थव दिन भगवान बुद्धया न्हय्गू संयोग लाःगु दिन खः । १. गौतमबुद्ध गर्भप्रवेश, २. गुरुत्याग, ३. दकलय् न्हापां धर्मचक्र प्रवर्तन याःगु, ४. न्हापांगु वर्षावास च्वंगु, ५. तीर्थकरतय्त् ऋद्धिबल क्यंगु, ६. तुसिता भुवनस च्वना बिज्याःम्ह मांयात अभिधर्म कना बिज्याःगु, ७. बुद्ध महापरिनिर्वाण लिला न्हापांगु संगायन जूगु । थव न्हय्गु संयोगया दिं नं खः । नेवाःतय्गु तःधंगु नखः मखुसां तसकं महत्वंजाःगु दिं खः, ‘गुरु पुन्हि’ ।

हादिक श्रद्धाञ्जली



जन्म मिति : १९८४/०३/०८

स्वर्गारोहण : २०७७/०२/११

स्व. तीर्थ माया महर्जन

हात्मा अत्यन्त ममतामयि हजुरआमा

स्व. तीर्थ माया महर्जनको असामयिक स्वर्गारोहण भएको आज ४५ औं दिनको पुन्यतिथीमा दिवंगत मृतात्माको चिरशान्तिको कामना गर्दै

यस दुःखद घडीमा हामीप्रति सहानुभूति व्यक्त गर्नुहुने सम्पूर्ण महानुभावहरु प्रति हादिक कृतज्ञता व्यक्त गर्दछौं ।

दूलो छोरा/बुहारी : वातिकाजी महर्जन/लक्ष्मी महर्जन
कान्छो छोरा/बुहारी : कृष्णकाजी महर्जन/सविना महर्जन
दूलो छोरी/जवाई : बेस्वामाया महर्जन/चक्रमान महर्जन
कान्छी छोरी/जवाई : दुर्गा महर्जन/राजु शाक्य
जाति/जातिवीहरु : चन्द्रमान महर्जन, गोपाल महर्जन, लक्ष्मी महर्जन
सरिता महर्जन, राजिता शाक्य, सावित्री महर्जन, सचिन महर्जन
रजिता शाक्य, सरिता महर्जन
एवम् सम्पूर्ण परिवार

बिचाः हायेका



बुदि
वि.सं. २०१५
माघ १२

मदुगु दि
वि.सं. २०७७
असार १२

मदुम्ह नानीमेयां महर्जन

जिमि जहान मय्जु

नानीमेयां महर्जन

मत्यवं मदयाः जिमि नुजाः चिइ थाक्याच्वन ।
अथेसां संसारया अनित्ययात नाले हे माः । थवहे सत्ययात
थुइकाः असार २४ गते, बुधवाः भिंस्वन्हुया पुण्य तिथिस
मदुम्हेसिया आत्मायात सदां शान्ति चूलायेमा धैगु कामना यासैं
जि छँजःपिं, थःथिति, जःलाखलापिलिसे बिचाः हायेका च्वना ।

राम महर्जन

व सकल महर्जन परिवार
ज्याःबहाः, कामपा २१ वडा, येँ ।

अनिच्चावत संखारा उप्पादवय धम्मिनो

नेपाःया न्हय्महमह संघनायक
अज्जमहापण्डित

अज्जमहासद्धमजोतिकधज, श्रद्धेय

डा. मिश्रु ज्ञानपूर्णिक महास्थविरया
बुद्धशासनिक योगदानयात दुनुगलं लुमंकुसे
सुगतिसहित निर्वाण कामना याना ।

समाजसेवी
कुमारदेव मानन्धर
क्षेत्रपाटी, येँ



बुदिं : नेसं १०५९ (बि.सं. १९९६ मंसिर ६)
मदुगुदिं : नेसं ११४० दिल्लीथ्व त्रयोदशि
(बि.सं. २०७७ असार १९)


अनिच्चावत संखारा उप्पादवय धम्मिनो

नेपाःया न्हय्महमह संघनायक अज्जमहापण्डित

अज्जमहासद्धमजोतिकधज, श्रद्धेय

डा. मिश्रु ज्ञानपूर्णिक महास्थविरया
बुद्धशासनिक योगदानयात दुनुगलं लुमंकुसे
सुगतिसहित निर्वाण कामना याना ।

समाजसेवी
मातिलाल शिल्पकार
यल



बुदिं : नेसं १०५९ (बि.सं. १९९६ मंसिर ६)
मदुगुदिं : नेसं ११४० दिल्लीथ्व त्रयोदशि
(बि.सं. २०७७ असार १९)

अनिच्चावत संखारा उप्पादवय धम्मिनो

नेपाःया न्हय्महमह संघनायक
अज्जमहापण्डित

अज्जमहासद्धमजोतिकधज, श्रद्धेय

डा. मिश्रु ज्ञानपूर्णिक महास्थविरया
बुद्धशासनिक योगदानयात दुनुगलं लुमंकुसे
सुगतिसहित निर्वाण कामना याना ।

समाजसेवी
मोतिशान्ति शाक्य
यल



बुदिं : नेसं १०५९ (बि.सं. १९९६ मंसिर ६)
मदुगुदिं : नेसं ११४० दिल्लीथ्व त्रयोदशि
(बि.सं. २०७७ असार १९)

अनिच्चावत संखारा उप्पादवय धम्मिनो

नेपाःया न्हय्महमह संघनायक अज्जमहापण्डित

अज्जमहासद्धमजोतिकधज, श्रद्धेय

डा. मिश्रु ज्ञानपूर्णिक महास्थविरया
बुद्धशासनिक योगदानयात दुनुगलं लुमंकुसे
सुगतिसहित निर्वाण कामना याना ।

समाजसेवी
यज्ञरत्न धारखाः
चाकुपाट, यल



बुदिं : नेसं १०५९ (बि.सं. १९९६ मंसिर ६)
मदुगुदिं : नेसं ११४० दिल्लीथ्व त्रयोदशि
(बि.सं. २०७७ असार १९)

अनिच्चावत संखारा उप्पादवय धम्मिनो

नेपाःया न्हय्महमह संघनायक
अज्जमहापण्डित

अज्जमहासद्धमजोतिकधज, श्रद्धेय

डा. मिश्रु ज्ञानपूर्णिक महास्थविरया
बुद्धशासनिक योगदानयात दुनुगलं लुमंकुसे
सुगतिसहित निर्वाण कामना याना ।

समाजसेवी
आनन्दकुटी विहार
स्वयम्भू



बुदिं : नेसं १०५९ (बि.सं. १९९६ मंसिर ६)
मदुगुदिं : नेसं ११४० दिल्लीथ्व त्रयोदशि
(बि.सं. २०७७ असार १९)

अनिच्चावत संखारा उप्पादवय धम्मिनो

नेपाःया न्हय्महमह संघनायक अज्जमहापण्डित

अज्जमहासद्धमजोतिकधज, श्रद्धेय

डा. मिश्रु ज्ञानपूर्णिक महास्थविरया
बुद्धशासनिक योगदानयात दुनुगलं लुमंकुसे
सुगतिसहित निर्वाण कामना याना ।

समाजसेवी
लक्ष्मीदास मानन्धर
थँहिति, येँ



बुदिं : नेसं १०५९ (बि.सं. १९९६ मंसिर ६)
मदुगुदिं : नेसं ११४० दिल्लीथ्व त्रयोदशि
(बि.सं. २०७७ असार १९)

अनिच्चावत संखारा उप्पादवय धम्मिनो

नेपाःया न्हय्महमह संघनायक
अज्जमहापण्डित

अज्जमहासद्धमजोतिकधज, श्रद्धेय

डा. मिश्रु ज्ञानपूर्णिक महास्थविरया
बुद्धशासनिक योगदानयात दुनुगलं लुमंकुसे
सुगतिसहित निर्वाण कामना याना ।

नेपाल सुनचाँदी कम्पनी प्रा.लि.

काठमाण्डौ बुलियन कम्पनी प्रा.लि.

नेपाल मण्डल ज्वेलरी



बुदिं : नेसं १०५९ (बि.सं. १९९६ मंसिर ६)
मदुगुदिं : नेसं ११४० दिल्लीथ्व त्रयोदशि
(बि.सं. २०७७ असार १९)

अद्वाब्जली

सु. मंगलधर बज्जाचार्य

जिमि स्याःन्याःमह पासा यज्ञधर बज्जाचार्यया पूजनीय
वाः मंगलधर बज्जाचार्य आकाभाका मदुगुलिं मदुमह वयकःया
आत्माया वीर शान्ति व सुखावति भुवनसं वास लायेमा धका
कामना यासे दु संकःपि सकल धैजःपिन्त
धैरी धारण याये फयेमा धकाः
बिवाः हायेकाव्वना ।

पासपि

राजेश बज्जाचार्य सुशील सिं रत्नमान महर्जन (भयू)
गौतम महर्जन गोपाल महर्जन किरण महर्जन प्रेम महर्जन
डा. दिपक महर्जन राजेश महर्जन सुरेश तण्डुकार



हथासं हथासं हिला वनाच्चन



सौरभ शाक्य

फुक्कं फुक्कं हथासं हथासं हिला
वनाच्चन
परिवेश, लकस
लिखतं वंगु ला हे खत
तिफ्याय् मफयाच्चन - इलं
क्वछिइ मफयाच्चन
मन मस्तिष्क कुं कुं वना -बन्धन) ।
छुकिं हिइका यंकाच्चन
सुनां तुइका यंकाच्चन
धाय् मफू - हिलाया छुमा:
थुइकेमफू - हिलाया संरचना
धार्थं थ्व ईलिसे पाचिना वःगु परिवेशया
कथित आतंक
कोरोना कथित त्वहः - बिषम भाइरस ।
ह्युपाः
ईयात लिखतं यंकेगु दु-स्वप्न
जैविक त्वाभः खः ला
प्रकृतिया बिरुप - उपहार
छगू मथुया नं थुयाच्चंगु छु धाःसा
बिभत्ताया सज्जाल
चेतन, अचेतनाय्
हीमी आम मानसिकता दु - मनू, मनूया
दुने संत्रास ।
मृत्यु वां खायाच्चंगु ग्याःसु
त्रासया छचालिं
ह्यहय कयाच्चंगु कोरोना
जुइफु षडयन्त्र तःज्युगु
जुइफु नव भाइरस - स्वंगुगु विश्वयुद्ध
लक डाउनय् - शंका उपशंकाय् जुसिं
जुसिं वःगु खंग्वः
मय्कनं आत्मसात जुजुं वना ला
मच्चंला ?



हलिया त्यप संकः वःम्ह



प्रतिसरा सायमि

सुथय् दनेवं -
मिखा पियाः यच्चुक सनाः यानाः
चान्हासिया मभिं मनिं
च्वलाच्चय्युगु स्यनातःपिं ।
पिनें दुहाँ वय्वं
ल्हाःतुति ख्वाः सिलाः
पर्सनल हाइजिन व स्यानिटाइजेसनया ज्ञानं
पिनेया मभिं मनिं अबलय् निसें वाय्सःपिं ।
थंजिपिं खनेवं ज्वजलपा यानाः
अनि याय्यु, भागि याय्यु स्यनाः
क्वकालिपिन्त सुवाः बीगु
थौं हलिमं काःगु ज्ञान -
गूड मायनर नं न्हापानिसें स्यनातःपिं ।
कनातःगु दु भीत-
आलुथें नय् मज्यू
ग्वलंग्वः ख्यें
नय् दत धाय्वं ।
नखः चखःपतिं
ऋतुकथं नसा नय्याः
ईब्यःकथंया नखः हनेमाः
थःगु आगं भ्वाभः मजुइक
सकले मिलय् जुया च्वनेमाः धकाः स्यूपिं ।
म्हंमफइबलय् जक
तागत दइगु नसा ला, ख्यें नय्याः
मेबलय् सादा नसा नय् सःपिं ।
भुखाय् व्वइबलय्
थःगु हे छें खनाः ग्याय्याःसां
थःगु छेंथें मेगु जुइमखु
म्वाय्कं अप्वः पिने जुइमज्यू
छेंजःपिन्त न ई बीमाः धकाः
लकडाउन खंग्वः न्यने हे मनसां
अबलय् निसें हे थुइकातःपिं ।
तःजलय् च्वनेगुया सुख
चीजलय् च्वनेबलय्या याकःसूया दुःख
रिबिन्सन ऋसोया बाखं न्यकाः
तःजःया मू थुइका तःपिं ।
थःगु म्ह गथे खः -
छेंयात न अथे हे
सुचुपिचु याना तय्याः धकाः
ज्ञानगुण बियातःपिं ।
निहंथं -
बासिगु बंयात वसिबं पुनाः
पिखालखु पिने थ्यंका वानाः

न्हूगु सुथयात
पिखालखु दुकयाः
प्रकृतियात लसकुस याय् सःपिं ।
पिहाँ वनेत -
दुहाँ वय्वं
मूलुखा च्वसं
द्यः भागि यानाः
भिगु चित्त घाना दुहाँपिहाँ जुइसःपिं ।
बहनी द्यने न्ह्यः -
पलख सां द्यः लुमंकाः
ध्यानया महिमा थुइका तःपिं ।
म्वाय्कं म्वःम्वः मनूत दुथाय् -
धितुधिनाः जुइमते
मूवंगु थःगु सम्पाति
तंकाच्चने मालिइ धकाः
अबलय् हे -
सोसल डिस्टायन्सया मू थुइका तःपिं ।
सुथय् दनेवं -
मिखा तिसिनाः पलख द्यः लुमंकेगु
व न्हि भीगु सुथालाइ धकाः थूपिं ।
थःगु हे छेंथें काःगु अयलाः
छख्वलाचा त्वनाः दंसा
वासःनं जू धकाः स्यूपिं
वं भीत त्वंकेगु मखु खंला
वइत भीसं -
त्वने सय्केमाः धकाः थूपिं ।
म्वाय्कं पशुपक्षी स्यानाः नयाः
ध्यबाया फूर्ति क्यनाः जुइवं
जिवं फू, ध्यबां फू धकाः
ज्ञानया धुकू थनातःपिं ।
लैकाः जूपिसं
लाकां न्ह्याय् मज्यू
बंया धू फोहर -
भ्वय् ब्वय् लाइ धकाः
भिउसाँय्या जन्तर धाकातःपिं ।
द्यःयाथाय् लाकां न्ह्याना वने मज्यू -
बंय् पलाः तय्बलय्
न्ह्यपु सिचुइगु ज्ञान बिया तःपिं ।
इताः वानाः, जजंका कयाः
कुति वानाः हासां हायाः
लः कयाः, थलबल सिलाः
हिजा हियाः, पानाः, दुकयाः, लथ्यानाः
जाथु केंथु लैकाः जुजुं धुप्यनेगु
योगाभ्यासया पलाः उगु इलय् हे स्यनातःपिं ।
आइसोलेसन
क्वारेन्टाइनया महिमा
सलंसः दँ न्ह्यः हे स्यनाथकूपिं
अल्याख अल्याख -
आजाअजिपिनिगु अर्ति ल्वःमंकूपिन्त
अहो ! छ ला !
धिनिमिनि यानाः
छ्वावाः वःम्ह खनी छ
प्रकृति ब्यूगु न, का धकाः
वइत इयालिंचा जुयाः
हिइमिइ चाय्मते धकाः -

गबले जिगिजिगिं खानाः भुखाय् जुयाः
गबले थीथी भाइरसया -
रुप कयाः वइम्ह खनी छ
कोरोना धाःम्ह छ -
घरानीया घमण्ड दुम्ह खनी
सःतः मवय्क मवइम्ह ।
सासःया लँपुं -
न्हाय्या लँपुं -
मिखाया लँपुं दुहाँ वनाः -
सासः हहःतिका बीम्ह -
लाखय् लिसं तं छंगु
अतेरी धेत्ताःतय्क मत्यकीम्ह
ब्वना मतःसां अनुभवया धुकू -
भी आजा अजिपिं
बैज्ञानिकतसे ध्वय् मफुपिं -
इमिगु ज्ञानयात
तिरस्कार याःगुया लिच्वः
पुलांगु, नवःगु, वाहियात धाईपिन्त -
छ ला
सचेतनाया पतिं धस्वाकः वःम्ह खनी
मभिं मनिं अत्याचार भयभय ब्यूगु
थुयातःगु त्यप संकःवःम्ह खनी ।
भिखानिसें महलतकं -
टहरानिसें ततःजागु मजिल तकं -
विश्व सुन्दरी बरु म्हसी मखु
बिज्ञापनय् धिब्लः खर्च याय् म्वाय्क
छंगु नां सकसिगु म्हुतुइ -
छंगु अर्थ थूसां मथूसां ।
तःमि चीमि मचा ल्याय्म्ह बुरा -
सकले समान छंगु मिखाय्
अणु परमाणुं -
हलिमय् ध्वाँय् ब्वय्का च्विपिन्त -
नुगःद्यः थुरुथुरुं खाकेफूम्ह
हलिमय् जुयाच्चंगु -
प्रकृतियात याःगु अत्याचारया बाखं -
कन्हय्या पुस्तापिन्त -
थःगु इतिहास कनेत
धू व कुँ इला मतःगु
वँच्चुगु सर्गः उलाः
आजा अजिपिनि ईया -
शून्यगु सतक क्यनाः
ध्यबां न्याय्मदुगु शान्ति इनाः
न्यकभनं लकडाउन इलाः
हलिया त्यप संके अर्भ मगाःनि ला ?
प्रकृतिरिसें सत्तिका च्वनेत
वं सहयानाच्चंगु अत्याचारया ल्याःचाः
हलिया सकसितं -
लकडाउनया तःखा ग्वयाः
बुखें ब्यूवःम्ह खनी छ
शक्तिया -
तलवारया धाः ज्वय्का च्विपिन्त
थःगु पौरख क्यनाः
छंगु ग्यसु गुलि ग्य थुइकेत -
हलिं थाथा याय् अर्भ मगाःनि ला ?
हलिया त्यप संके अर्भ मगाःनि ला ?

स्वस्थ पत्रकारिताको विकास स्वतन्त्र र हक

अधिकारको जगेर्ना, राष्ट्रिय सर्वमान्य प्रचलन र

मान्यतालाई समायोजन गर्दै अगाडि बढ्नु आजको

अपरिहार्य आवश्यकता हो ।



नेपाल सरकार

सञ्चार तथा सूचना प्रविधि मन्त्रालय

सूचना तथा प्रसारण विभाग

कीर्तिपुर अस्पताल्य बागमती प्रदेशया मन्त्री अवलोकन

बागमती प्रदेश सरकारया सामाजिक विकासमन्त्री युवराज दुलाल कीर्तिपुर अस्पतालया अवलोकन यानादीगु दु। मन्त्री दुलाल कीर्तिपुर नगरपालिकाया ग्वाहालि नकातिनि न्ह्याःगु हेमोडायलाइसिस यूनितया नाप आइसियू, इमर्जेन्स व थीथी वार्डया न अवलोकन यानादिल। सहलहया भूवल्य भौतिक संरचनाया नाप माःगु पूर्वाधार पूरा जुइ धुकुगु अवस्था न नेपाल सरकार थुगु अस्पतालयात सछि शैयाया स्वीकृत मन्बुगु अवस्थाया जानकारी याकुसे कीर्तिपुर अस्पतालयात प्रदेश स्तरीय अस्पताल घोषणा यायेमाःगु मार्ग न तःगु खः।

जेट मेसिन सञ्चालन याःगु न्हापांगु वडा

यल महानगरपालिका- ३ वडा धः सफा यायेगु उच्च प्रविधियुक्त जेट मेसिन सञ्चालनय हःगु देय्या हे न्हापांगु वडा जुगु दु। वडा चालू आर्थिक दैया बजेटपाखे ७७ लख तका पुलाः उगु जेट मेसिन न्यानागु वडा नं ३ या वडाअध्यक्ष श्रीगोपाल महर्जन धयादिल। बहुप्रयोजनय छ्यलेज्यूगु जेट मेसिनं २० मिटर कव्य तक धः सफा याये फइगु लिसे सफा लः सालातयेत, धः दुने बोरा, प्लास्टिक थानाचवंगु लिकायेत ज्या वः। उगु जेट मेशिनं जाम जूगु धलय सफा लखं हाई प्रेसर सफा याइ।



याइगु विश्वास प्वकादिल। वडा हे उच्चतम प्रविधियुक्त मेसिन सञ्चालन याःगुलिल लसता प्वकुसे महानगरपालिकाया मेयर चरिबाबु महर्जन स्मार्ट प्रविधि हे जनतायात गुणस्तरीय सेवा बीगु खं तयादिल।

‘महानगरपालिकां जक जेट मेसिन न्यानाचवंगुलिइ थन वडा हे मेशिन सञ्चालन यानागु दु।’ वडाध्यक्ष महर्जन धयादिल। उगु मेशिनया उलेज्या यानादिसे सांसद पम्फा भुसाल थुगु ज्या मेमेगु वडायात न प्रोत्साहन

थ्व स्वयां न्ह्यः शव बाहन सञ्चालन याःगु वडा आः ज्येष्ठ नागरिकपनिगु लागि निःशुल्क विद्युतीय गाडी सञ्चालनय ह्येगु तयारी याना चवंगु खः।

स्थानीय ...

न्येबलय अजूचायापुस्सेचं, थःगु हे बुँइ वा पीत तक न थुलि संघर्ष याय्माःगु छा्य् ? प्रहरी थुकथं हस्तक्षेप याय्माःगु छा्य् ? थ्व बुँ मेगु मखसे येँ निजगढ स्वाइगु द्रुतमार्ग दुने लाःगु बुँ खः। येँ निजगढ स्वाइगु द्रुतमार्ग वा फास्ट ट्रायाक दय्केत ख्वनाया सयौं रोपनी बुँ सरकार अधिग्रहण यानाकाःगु दु। मुआब्जा न कौडीया भावयु तःगु व थःपिनि ज्या यानाः परिवार, छैं लहिनावयागु बुँ थुकथं बी फइमखु धासे ख्वनामितय्सं थुगु क्षेत्रपाखे फास्ट ट्रायाक मदय्केत सः थ्वय्कुसे विरोध याना वयाचवंगु दु। ख्वनामितय्सं सरकारं बी धाःगु मुआब्जा न मकाःनि सा थुगु थाय्या विवाद न ज्यंगु मदुनि। तर राज्य पक्षपाखे न थन लें दय्केत ज्या न्ह्याकेत स्वयाचवंगु दु। उकिया इवल्य थन सैनिक छाउनी तक दय्केधुकल। अले थन फास्ट ट्रायाक दय्केगु धासे प्यदं न्ह्यःनिसे किसानतयत्त बुँइ ज्या नं याकेब्युगु मदुनि। थुगुसी प्यदं लिपा किसानतयसं थःगु बुँइ वयाः वा प्युगु खः। थुकथं विरोध क्यबलय गुलिसिनं ख्वनामियात, नेवाःतयत्त विकास विरोधी तक धयाबिल। तर विकास धयागु छु खः धइगु न्ह्यसः थनथाय् बलनी। विकास धयागु सडक जक हे खः ला ले ? यदि ख हे खःसा सडक दय्केगु ज्या गामय् मयाःसे येँ अथवा स्वनिगलय जक हे छा्य् ? विकास छु स्वनिगःयात जक हे माःगु ले ? अले थ्व हे विकासया नामय् स्वनिगःया नेवाःत गुलितक्क विस्थापित जुयाचवनेगु ले ?

कृषि योग्य बुँ ज्या मयाःसे अर्थे तयातय् दइमखु धाइ तर बुँइ ज्या याय् धाईपिं ख्वनामितयत्त छिमिसं बुँ पाले दइमखु धकाः टियर ग्राँस कय् की। राज्यया कृषि प्रवर्द्धन थ्व हे खःला ? राज्यया विकास थ्व हे खःला ?

धात्ये...

दुने छःयात रथय् विराजमान याकेत बांलाइगु साइत पिहांवल। न्हापाया परम्परा स्वयंयुगु खःसा छःयात रथय् विराजमान याकूगु प्यन्दु दुकुन्दु रथ सालीगु खः। व हे ल्याखं आः २७ गते रथ सालीगु जुल ला धइगु हुइनाभुइना पिहांवःगु दु। खतुं जात्रा पक्षं २७ गते रथ सालेगु धाःगु मदुनि। जात्रा पक्षं २४ गते रथ दय्के सिधय्काः बुंगछःयात रथय् विराजमान नि याकेगु अले स्थिती पाय्छि खनेमदुतल्ले जात्रा मयायुगु धकाः न्हापा हे धयावःगु दु।

व ल्याखं आः संक्रामितया ल्याः भन्न थहां वनाचवंगु व स्वनिगः दुने धमाधम संक्रमित लुयाचवंगु ल्याखं आःया स्थितीइ रथ सालेगु ज्या मयायुगु हे बांलाइगु खनेदु। भन्न स्वनिगः दुनेया धःयानमूना मुंकाः परिक्षण यानास्वःबलय् उकी हे कोरोना भाइरस लुयावय्धुंक्गु दु। थुकियात समुदायस संक्रमण न्येनेधुंक्गु कथं काःगु दु। थज्याःगु अवस्थाय् मनुत मुंकाः जात्रा यायुगु तःधंगु हे जोखिमया खं जुइफु। अथेजुगुलिं जात्रा याय्माः धाईपिनसं थुकेपाखे बिचाः याय्माःगु खं नं दनिंसा परम्पराया खं नं दनिं। भुखाय् लगायतया दैवी प्रकोपया लिसे महामारीया अवस्थाय् नं छःया जात्रा वा थुकथया शुभ ज्या याय्मज्युगु मान्यता नं दु। मत्यः धाःगु ज्या हे यानाः जात्रा याय्गु खःसा थुकिं छःप्रतिया आस्था ब्वइ अथवा धार्मिक मान्यताया अपमान क्यनी धइगु न्ह्यसः दनी। उकिया नाप जात्रा याय् हे माः धकाः धिनाचवनेमाःगु कारण छु धइगु खं नं थनथाय् दु। किम्वदन्त कथं मोहनितक्क याः मत्यात धाःसा अथवा जात्रा क्वमचाल धाःसा बुंगछः ख्वपय् यंकेमाः धइगु खं दु। व हे ल्याखं छःयात ख्वपय् यंकी ला धइगु ल्याखं जवर्जस्ती हे जात्रा याःगु धइगु हुइनाभुइना दु। थुकीया सत्यता वा पूर्ण सत्यता नं सीकेमाः। थ्वयां न्ह्यः छकः बुंगछःयात ख्वपय् यंके हे धुंक्गु खनेदु। अनुसन्धाता व समाजया ज्यथाःपिनसं छु इलय् बुंगछःयात ख्वपय् यंकाः अखण्डशील महाविहारय् तःगु खं धाःगु दु। नेन्देदेवपिनसं बुंगछः हयाः तयत्त दय्क्गु खः थ्व महाविहार।

मोहनितक्क जात्रा क्वमचाल धाःसा बुंगछः न्ह्याबलेया लागि ख्वपय् यंकीगु मखु धइगु खं सीकेमाः। हुंजुयाः जात्रा मजुल धाःसा व हे छुगु दैया खुलाया नितिं जक ख्वपय् यंकीगु जुयाच्वन। थ्व न्हापा जुइ नं धुंक्गु खं च्वय् न्ह्यथनेधुंगु जुल। थुकिया बारे विस्तृत अध्ययन याय्माःगु आवश्यकता नं दनिं।

खतुं भारतया अहमदाबादय् जगनाथया

रथयात्रा क्वचाय्कूगु दसु दु। तर उगु जात्रा याय्त सुप्रिम कोर्ट रथ सालेत पसलं अक्वः मनु मुनेमज्युगु आदेश जारी याःगु खःसा उगु क्षेत्रय् कर्पु हे तयाः जगनाथया रथयात्रा याःगु खः। उकिया नाप जात्राय् आवद्ध सकलसित क्वारेन्टिनय् तयाः पढलं मयाक्क मनुतय् पिसिआर परिक्षण नं यात। नेपालय् थ्व परिस्थिती जुइ फइ कि मफइ धइगु खं नं दनि।

न्ह्यागु जुइमा, भीसं थःगु तजिलजि, धर्म, परम्परा न्ह्याकेगु इवल्य उकिं नकारात्मक लिच्चः मलाय्मा। हुं जुयाः थज्याःगु हे अवस्था जुल धाःसा समग्रनेवाः समाज थुकिया दोष क्वबीमालेफु। अज्याःगु ज्या गुलिसित विश्वासप्रति अविश्वास ब्वलकाबियाः थःगु धर्म परम्परा तापानाबीगु अवस्था हय्फु। सरोकारवाला पक्षं थज्याःगु दक्वं खंयात दुवालाः, बिचाः यानाः न्ह्याःवंसां भीगु समाज सुरक्षित नं जुइगु अले परम्परा नं ल्यनीगु अवस्था दय्केफइला।

भिक्षु...

भिक्षु मद्गुलिं बुद्धधर्म व नेपाःया शान्ति स्थापनाय् ज्वःमद्गु क्षति जुगु शोक बक्तब्यय् न्ह्यनातःगु दु। वसपोल मद्गुलिं दुःख प्वकादिसे म्यान्मार, थाइल्याण्ड, श्रीलंका सरकार व अनया संघसंस्थां शोक वक्तब्य छ्वया हःगु भिक्षु निम्रोधं जानकारी बियाबिज्यात। थ्व हे दथुइ अखिल नेपाल भिक्षु महासंघं छुगु विज्ञप्ती पिथसेनेपाःया स्थविंवाद बुद्धधर्मया पुनःजागरणय् आधुनिक शिक्षा प्राप्त याना बिज्याःम्ह भिक्षु जाणपूर्णिक महास्थविर मद्गुलिं बौद्ध साहित्यया अनुवाद, अभिधम्मया ब्याख्या व बुद्धधर्मया विकासय् तःधंगु धक्का लाःगु न्ह्यथंगु दु। महासंघया महासचिव भिक्षु कौण्डय महास्थविर पिथना बिज्याःगु उगु विज्ञप्तीइ वसपोलया त्याग, लगनशीलतापाखे सय्काः बुद्धधर्मया विकासया नितिं थप दायित्व वःगु नं न्ह्यथनातःगु दु।

मदुम्ह भिक्षु जाणपूर्णिक महास्थविरयात सन् २००१य् म्यान्मार सरकारपाखें अगमहासद्धम्मजोति क ध ज व सन् २०१३य् अगमहापाण्डित, थाइल्याण्डया महामकुट विश्वविद्यालयपाखें सन् २०१३ महाचुलालंकर्णराजविद्यालय युनिभर्सिटीपाखें सन् २०१६य् मानार्थ विद्यावारिधि पदपाखें विभूषित जुया बिज्याःगु खः। म्यान्मारया प्रशिद्ध ध्यान केन्द्र महासी शासन यैता विपश्यना ध्यान क्षेत्रय् ओवादाचार्य लिसे कर्मस्थानाचार्य उपाधि कया बिज्याःम्ह ध्यानगुरु, अभिधम्मया कुशल ब्याख्याताकथं लोकंहवाःम्ह मदुम्ह भिक्षुया नेपालभाषालिसे खस नेपाली व अंग्रेजी भाषाय् यानाः ५०गु स्वयां अक्वः सफू पिहां वय्धुंक्गु दु।

भिक्षु ८१दंया उमेरय् वंगु शुकवाः सुथसिया ४:३५ ताः इलय् यलय् सुमेरु अस्पतालय् मद्गु खः।

येँ महानगरया आर्थिक विधेयक पारित

आर्थिक वर्ष २०७७/०७८या नितिं येँ महानगरया आर्थिक विधेयक न्ह्यक्वःगु नगरसभाया स्वक्वःगु मुँज्यापाखे पारित जूगु दु। वंगु असार १० गते च्वंगु नगरसभाया निक्वःगु मुँज्याय् उप-प्रमुख हरिप्रभा खड्गी श्रेष्ठ आर्थिक विधेयक व प्रमुख विद्यासुन्दर शाक्य बिनियोजन विधेयक प्रस्ताव यानादीगु खः। थुकथं प्रस्ताव यानादीगु प्रस्ताव मध्ये विधेयकमध्ये नगरसभाय् दफावार सहलह यासें पारित याःगु खः।

पर्यटन क्षेत्रया व्यवसायस लकडाउनं लाकूगु लिच्चःयात म्हो यायत्त महानगरं थःगु हे नामय् दुगु व लिज वा बालं कयातःगु निरूकथंया होटल, रिसोर्टया सम्पति कय्

७५गु प्रतिशत छ्यापं बीगु जूगु दु। थुकथं छु यापं काय्दइपिं करदातापिनसं आर्थिक वर्ष २०७६/०७७तकया धरजगा कर, सम्पति कर चुक्ता याय्धुंक्गु जुइमाः। अथे हे, व्यवसायपाखे होटल, पर्यटन व मनोरञ्जन क्षेत्र या नितिं ५०गु प्रतिशत व मेमेगु व्यवसायस २०गु प्रतिशत छ्यापं बीगु जुइ। लकडाउनया इलय् थःगु छैय् बालं च्विपिनत म्होति नं लच्छिया बालं छुट बीगु स्वघोषणा याइम्ह छे थुवाःयात बहाल कय् १०गु प्रतिशत छ्यापं बीगु नं प्रस्तावय् न्ह्यथनातःगु खः।

आर्थिक वर्ष २०७७/०७८या नितिं महानगरं १६गु अर्ब ४२गु कोति ७३गु लख व २६६ःतकया आयब्यय प्रस्ताव याःगु खः।

आयो नून खाउँ स्वस्थ रहौ. गाउँसम्म आयो, आयो नून यसले लामोको घरे गुन. आयोडिनको कमीबाट हुने विकृतिहरू: १. गर्भ झिने, मुठ मित्तु अचिरे, अरु भन्न भएको विष्णु अचिरे, जन्मेको विष्णु चिरे गर्भ गर्ने। २. बच्चाक अर्ध, लार्स, लडेरा, बामयुके, केडा अरि हुन सके। ३. पशुपति कर्मले भई रक्त पत्रक फेरा हुनुको साथै खेल्नुका साथै पछि परिसके। ४. गलबल अचिरे, सुक्नकोरि हुने। ५. आयोडिनको कमीले IQ Level कम हुने। ६. आयोडिनको कमी भएमा स्वास्थ्यक मानवजन आने, कम गर्ने सतनामा कमी आने। ७. आयोडिनको कमीबाट गाईसम्मले दुःख भनिने। आयोडिनको कमीबाट हुने विकृतिहरू अन्ततः एउटाको मुठ मात्र प्रयोग गरि। सौल ट्रेडिङ कर्पोरेशन लिमिटेड. केन्द्रीय कार्यालय: पौ.ब.नं.: ४६३, कालिमाटी, काठमाडौं, नेपाल, फोन नं. ४२००३१५, ४२००३१६, ४२०३२०८, फ्याक्स नं.: ४२०३-४२०१००४, ४२०१३१५

(क) व्यापारी त्यासा, (ख) हायरपचेंज त्यासा, (ग) आवासीय त्यासा, (घ) शेरयर् त्यासा, (ङ) मुद्दी रसिद धितो त्यासा, (च) क्रमिक निक्षेप त्यासा. मिलन बहुउद्देश्यीय सहकारी संस्था लि. ह्वनाछेँ, पाको, न्हूसतक, येँ, नेपाः. फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

100% Vegetarian Sweet Cave. Sweet Cave (जीवन दाईया पसः) Kalimati, Kathmandu, Nepal. Tel: 4275511, 9741112777, 9851063000. यहाँ भोज तथा पार्टीहरूको लागि चाहिने स्पेशल दही, पनीर, लाखामाँस, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्। आउटडोर भेज क्याटरिङ पनि गरिन्छ।

आफ्नो अधिकार प्रयोग गर्दा अरुको अधिकार प्रति सजग र सचेत हुनु असल नागरिकको कर्तब्य हो। नेपाल सरकार सञ्चार तथा सूचना प्रविधि मन्त्रालय सूचना तथा प्रसारण विभाग

अनिच्चावत संखारा उप्पादवय धम्मिनो


नेपाःया ऱ्हय्म्हम्ह संघनायक अग्गामहापण्डित
अग्गामहासद्धम्मजोतिकधज, अखिल नेपाल भिक्षु
महासंघया संरक्षक धम्माचरिय दिवंगत

डा. भिक्षु ज्ञानपूर्णिक महास्थविरया

बुद्धशासनिक योगदानयात दुनुगलं लुमंकुसे
सुगतिसहित निर्वाण कामना याना ।



अखिल नेपाल भिक्षु महासंघ



बुदिं : नेसं १०५९ (बि.सं. १९९६ मंसिर ६)
मदुगुदिं : नेसं ११४० दिल्लाथ्व त्रयोदशि (बि.सं. २०७७ असार १९)

अनिच्चावत संखारा उप्पादवय धम्मिनो

नेपाःया ऱ्हय्म्हम्ह संघनायक अग्गामहापण्डित
अग्गामहासद्धम्मजोतिकधज, श्रद्धेय गुरु
धम्माचरिय दिवंगत

डा. भिक्षु ज्ञानपूर्णिक महास्थविरया

बुद्धशासनिक योगदानयात दुनुगलं लुमंकुसे
सुगतिसहित निर्वाण कामना याना ।

पञ्चवीर सिंह तुलाधर

पञ्चवीर सिंह सिरपाःया दाता

सकल जः
लाजिम्पाट, येँ



बुदिं : नेसं १०५९ (बि.सं. १९९६ मंसिर ६)
मदुगुदिं : नेसं ११४० दिल्लाथ्व त्रयोदशि (बि.सं. २०७७ असार १९)